

古今文綜

野谷書肆

古今文選

卷之四

古今文綜 第三部 碑文墓銘之屬

第二十一冊

目錄

第二編 墓銘類

第三章 墓銘之題撰上

(甲)親族

(一)爲父撰

唐孫逖宋州司馬先府君墓誌銘

唐陳子昂我府君有周居士文林郎陳公墓誌銘

唐張說府君墓誌銘

宋歐陽修瀧岡阡表

清汪中江都縣學增廣生員先考靈表

清曾國藩誥封光祿大夫曾府君墓誌銘

(二)爲母撰

唐柳宗元先太夫人河東縣太君歸祔誌

清汪中先母鄒孺人靈表

(三)爲祖父撰

唐張說唐處士張府君墓誌銘

清方苞大父馬溪府君墓誌銘

(四)爲祖母撰

唐權德輿王妣夫人宏農楊氏祔葬墓誌銘

(五)爲王姑撰

清曾國藩彭母曾孺人墓誌銘

(六)爲伯父撰

唐楊炯常州刺史伯父東平楊公墓誌銘

(七)爲伯妣撰

明歸有光伯妣徐孺人權厝誌

王先謙伯母郭宜人墓誌銘

(八)爲叔父撰

宋歐陽修尙書都官員外郎歐陽公墓誌銘

宋歐陽修尙書職方郎中分司南京歐陽公墓誌銘

宋王安石臨川王君墓誌銘

(九)爲叔母撰

宋柳開穆夫人墓誌銘

(十)爲姑撰

清洪亮吉適王氏亡姑權厝志銘

(十一)爲兄撰

宋王安石亡兄王常甫墓誌銘

清方苞兄百川墓誌銘

清邵齊燾伯兄墓誌銘

(十二)爲嫂撰

清方苞嫂張氏墓誌銘

(十三)爲弟撰

清姚鼐亡弟君愈權厝銘

清曾國藩季弟事恆墓誌銘

(十四)爲弟婦撰

明唐順之弟婦王氏墓誌銘

(十五)爲從兄撰

清朱仕琇從兄太學君理山墓誌銘

(十六)爲從弟撰

唐楊炯從弟去溢墓誌銘

(十七)爲姊撰

唐柳宗元亡姊前京兆府參軍裴君夫人墓誌

(十八)爲妹撰

明唐順之王冢婦唐孺人墓誌銘

清管同亡妹壙碣

清曾國藩適朱氏妹墓誌

(十九)爲妻撰

唐獨孤及前左驍衛兵曹參軍河南獨孤公故夫人韋氏墓銘

宋蘇軾亡妻王氏墓誌銘

清邵齊燾先室席安人墓誌銘

清姚鼐繼室張宜人權厝銘

清惲敬亡妻陳孺人權厝志

清劉履芬戴恭人權厝志

清張裕釗黃孺人墓誌銘

(二十)爲夫撰

唐周氏曹君墓誌銘

(二十一)爲子撰

明歸有光亡兒翽孫壙誌

清汪琬亡兒蘅瘞誌

清李兆洛亡兒顓葬志

清梅曾亮男八十墓碣

(二十二)爲子婦撰

清左宗棠冢婦賀氏壙志

(二十二)爲女撰

唐權德輿獨孤氏亡女墓誌銘

唐韓愈女挈壙銘

明歸有光女二二壙志

(二十四)爲姪撰

唐獨孤及殤子韋八墓誌

清方苞兄子道希墓誌銘

清張裕釗兄子慕梁葬志

(二十五)爲姪婦撰

清方苞兄子道希婦岳氏墓誌銘

(二十六)爲姪女撰

清朱仕琇淑英墓誌銘

(二十七)爲孫撰

唐權德輿殤孫進馬墓誌銘

(二十八)爲姪孫撰

唐韓愈韓滂墓誌銘

(二十九)爲族曾祖撰

明歸有光歸府君墓誌銘

(三十)爲族祖撰

金元好問族祖處士墓銘

(三十一)爲乳母撰

唐韓愈乳母墓銘

清顧景星乳母許氏墓銘

古今文綜

第三部 碑文墓銘之屬

第二十一冊

杭縣張 相讓錄

杭縣姚漢章閱訂

第二編 墓銘類

第三章 墓銘之題撰上

自蒼崖金石例後。繼踵而起者。凡十餘家。稱謂題撰詳哉言之。然古石殘磨。文字多缺。單詞隻義。未見全豹。錄目則便。取法則艱。又纂錄之家。高言漢唐。近時文集。未之擇簡。則亦論高而難行者也。茲編大抵自唐至清。采文爲夥。冀與諸金石例。別出並行。錄必全篇。廣所未備。亦兼可審其題名云爾。

(甲)親族 家人骨肉。臨穴制詞。不無危苦之言。惟以悲哀爲主。爰自祖父。旁

及昆弟。下逮子孫。爲若干目。而以乳母附焉。至哀無文。不知所云。流涕而已。

(一)爲父撰 錄六首

唐孫逖宋州司馬先府君墓誌銘

府君諱嘉之。字某。魏郡武水人也。故屬安樂。蓋齊大夫書之後。至晉長秋卿道恭。有子曰顗。避地河朔。後世居焉。顗五世孫魏光祿大夫惠蔚。爲本朝大儒。自時厥後。不隕其業。公卽光祿元孫也。曾祖孝敏。隋大業中并州晉陽縣令。所居之聚。聊設衡關。至稱爲晉陽里。祖仲將。皇朝鄆州壽張縣丞。父希莊。皇朝韓王府典籤。自晉陽至府君。四世而傳一子。故五服之內。無近屬焉。府君四歲而孤。無所怙恃。外祖劉士傑。因官居於潞之涉縣。府君自幼及長。外族焉依。克自激昂。允迪前烈。弱冠以文章著稱。因此遊太原。涉西河。以觀陶唐之風。河汾之間。有盛名矣。垂拱載初之際。始詣洛陽。獻書闕下。極論時政。言多抵忤。所如不合。遂投迹大學。託名常調。天冊中以進士擢第。與崔日用。蘇晉。俱爲考功郎中。李迥秀特所標賞。久視初。預拔萃。與邵昊。齊澣。同昇甲科。解褐蜀州新津縣主簿。又補河南府緱氏縣尉。改

王屋縣主簿。府君少好攝生之術。自王屋受訣於司馬先生。便欲罷官學道。而官微祿薄。曰。衰門無儲。宗黨孤眇。無所仰給。繇是願效六百石長吏焉。歷洛州曲周。宋州襄邑二縣令。秩滿之後。遂絕迹人世。屏居園林。怡神太和。以適。初。願居數歲。適長子逖。拜中書舍人。實掌絲綸。皇上以府君有義方之訓。特授朝散大夫。宋州司馬。仍聽致仕。手詔褒美。親族榮之。享年八十三。以開元二十七年四月二十四日。棄背於東都集賢里之私第。府君性聰明。而志高邈。學該百氏。而不爲章句。文窮三變。而尤工氣質。早有大名。晚從卑位。於是知命之不偶。道之不行。隨時委運。澹然無營。而疇昔輩列平生雅故。當軸處中者多矣。蓋未嘗跬足而近之。恬於勢利。乃如此也。然所莅之職。必悉心爲政。不以小而易之。人到於今。遺愛矣。爾其閨門之教。子孫之謀猷之必遠。誨則無倦。萬石不假於誚讓。太邱惟聞於善誘。保父於後。無慚古人。夫人廣平宋氏。蒲州安邑縣令斌之孫。滑州司士參軍郁之女。淑德賢行。深慈至柔。有子四人。皆著名於詞學。有女六人。俱涉迹於圖史。非獨府君。

之善訓。亦有夫人之內則焉。享年六十。以開元十年十一月二十三日。先棄背於河陽別業。逖適遘迨等。遭天不憖。遺降此鞠凶。創鉅以深。荼蓼又集。永惟宅兆未立。精霸未安。猶力尅瘵。尙存餘喘。卽以府君違世之年八月十二日。遷厝於邱山陶村之西原。合祔焉。禮也。北據岡阜。南瞻城闕。一以託州原之勝勢。一以近庭闈之故居。諸孤等亦願朝奠。几筵暮掃。松柏往來。密迹以寘。哀懷伏維。尊靈安此真宅。小子痛極。豈復能文。泣血書事。言多失緒。其辭曰。

惟先府君。不隕厥問。克惟厥訓。惟先夫人。慈範是經。柔道是程。昊天罔極。曷其報德。敢述舊聞。言豈爲飾。

唐陳子昂我府君有周居士文林郎陳公墓誌銘

公諱元敬。字某。其先陳國人。五世祖太樂梁大同中。爲新城郡司馬。生高祖方慶。方慶好道。得墨子五行祕書。白虎七變法。遂隱於郡武東山。生曾祖湯。湯爲郡主簿。湯生祖通。通早卒。生皇考辯。爲郡豪傑。公河目海口。欽頤虎頭。性英雄而志尙。

玄默羣書祕學無所不覽。年弱冠。早爲州閭所服。耆長童幼見之若大賓。二十二鄉貢明經擢第。拜文林郎。屬憂艱不仕。潛道育德。穆其清風。邦人馴致如衆鳥之從鳳也。時有決訟不取州郡之命而信公之言。四方豪俊望風景附。朝廷聞名。或以爲西南大豪而不知深慈恭懿敬讓以得也。州將縣長時或陳議。青龍癸未。唐曆云微。公乃山棲絕穀。放息人事。餌雲母以怡其神。居十八年。玄圖大象無所不達。嘗宴坐。謂其嗣子子昂曰。吾幽觀大運。賢聖生有萌芽。時發乃茂。不可以智力圖也。氣同萬里而合。不同造膝而悖。古之合者百無一焉。嗚呼。昔堯與舜合。舜與禹合。天下得之四百餘年。湯與伊尹合。天下歸之五百年。文王與太公合。天下順之四百餘年。幽厲板蕩。天紀亂也。賢聖不相逢。老聃仲尼淪溺。溷世不能自昌。彌四百餘年。戰國如縻。至於赤龍。赤龍之興。四百年。天紀復亂。胡夷奔突。賢聖淪亡。至於今四百年矣。天意其將周復乎。於戲。吾老矣。汝其志之。太歲己亥。享年七十有四。七月七日己未。隱化于私宮。孤子子昂愚昧。鞠然在疚。不知所從。乃祇馴聖。

人卜宅之義。是歲十月己酉。遂開拭舊塋。奉寧神於此山石仙谷之中岡也。銘曰。
賢者避地。邈其往兮。鳳兮鳳兮。誰能象兮。嗚呼我君。懷寶不試。孰知其深廣兮。悠
悠白雲。自怡養兮。大運不齊。聖賢罔兮。南山四君。不遭漢天子。亦商邱之遺壤兮。
唐張說府君墓誌銘

府君諱鷟。字成鷟。姓張氏。其先晉人也。晉分家世相韓。韓滅。留侯爲漢謀主。至宇
爲范陽太守。因居其郡。及華。博物亞聖。爲晉司空。府君司空十二代孫也。曾祖諱
俊。河東從事。大父諱弋。字嵩之。通道館學士。考諱恪。未仕卽世。先君四代早孤。單
門煢立。宗祀之不絕如綫。府君襁褓衰麻。鞠育舅氏。而炳太和之純嘏。爍遠慶之
洪允。庇身禮樂。發言忠信。小無不戒。大無不慎。終日乾乾。遠於悔悵。靈根顛而還。
植。祖德墜而復振。加以好學不倦。問一反三道機玄鍵。罔不幽探。外王父大理丞
某。重世爲士。府君傳其憲章。博施精理。年十九。明法擢第。解褐饒陽尉。丁王母憂。
去職。夫人少而守義。老而無子。因心創巨。事不忍言。喪紀之數。加人一等。服闋。調

長子尉。換介休主簿。洪洞丞。太夫人在堂。官求近便。故累徙而不進也。內清淨以化人。外平反以悅親。不樂歸美。而善隱德。故下車無赫赫之聲。所去有遺愛之戀。有旨差覆囚山南。輜軒所歷。全濟甚衆。府君以律有違經背禮。著妨難十九篇。書奏。帝下有司。而刪定之官。黨同妒異。竟寢其議。道之將廢也。歟。命也。臧倉其如命何。調露元年秋。奉使晉陽。遇疾輦歸。藥禱無降。冬十二月大漸。九日乙卯。棄背於縣。廨春秋五十有二。光珪說不天。總角在疚。明年春。奉輜藁殯於河東。賴夫人撫養孤藐。躬加訓授。男習文雅。女工組繡。姻不失親。官復其舊。景龍元年秋。封長樂縣太君。夫人故藍田丞威之女也。享年七十有二。是歲十二月戊申。傾背於東都康俗里第。於戲哀哉。靡瞻靡依。何怙何恃。二年七月己酉。克葬我先公夫人合祔焉。從周制也。初議葬。小子夢度景於萬安山南孤堆東峰之下。時淮南宏公相地曰。是山爲華蓋岡。爲蟠龍。龍者大人之德。孤者王侯之稱。卜夢協兆。何善如之。乃定墳塋。剏宅茲所。小子銜恤。誌之幽礎。係曰。